

Na osnovu člana 66. stav (1) i (2) Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), člana 47. Zakona o namještenicima u organima državne službe u Federaciji Bosne i Hercegovine („Službene novine Federacije BiH“, br.: 49/05, 45/10 i 103/21), člana 11. Zakona o državnoj službi u Kantonu Sarajevo („Službene novine Kantona Sarajevo“, br.: 31/16, 45/19 i 6/25), člana 47. Zakona o plaćama i naknadama u organima vlasti Kantona Sarajevo („Službene novine Kantona Sarajevo“, br.: 5/19, 40/22 i 6/25), čl. 24. do 38. Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije BiH“, broj: 98/23), čl. 53. do 83. Kolektivnog ugovora za državne službenike i namještenike u organima državne službe Kantona Sarajevo („Službene novine Kantona Sarajevo“, br.: 51/23 i 30/24), sekretar Skupštine Kantona Sarajevo d o n o s i

P R A V I L N I K
O IZMJENAMA PRAVILNIKA O PLAĆAMA I NAKNADAMA DRŽAVNIH
SLUŽBENIKA I NAMJEŠTENIKA SLUŽBE ZA SKUPŠTINSKE POSLOVE
SKUPŠTINE KANTONA SARAJEVO

Član 1.
(Izmjena člana 4.)

U Pravilniku o plaćama i naknadama državnih službenika i namještenika Službe za skupštinske poslove Skupštine Kantona Sarajevo („Službene novine Kantona Sarajevo“, broj: 17/24) (u daljem tekstu: Pravilnik), član 4. mijenja se i glasi:

“Član 4.

(Platni razredi i koeficijenti za državne službenike)

Radna mjesta državnih službenika u Službi, razvrstavaju se u platne razrede, a za svaki platni razred utvrđuju se koeficijenti za obračun plaće utvrđenim članom 18. Zakona, prema sljedećim vrijednostima:

<i>Redni broj</i>	<i>Naziv radnog mjesta</i>	<i>Platni razred</i>	<i>Koeficijent</i>	<i>Broj izvršilaca</i>
1.	<i>Sekretar Skupštine</i>	<i>I</i>	<i>6,50</i>	<i>1</i>
2.	<i>Šef Ureda Sekretara Skupštine</i>	<i>V</i>	<i>4,60</i>	<i>1</i>
3.	<i>Šef odjeljena za administrativno-tehničke i pomoćne poslove</i>	<i>V</i>	<i>4,60</i>	<i>1</i>
4.	<i>Stručni savjetnik za normativno pravne poslove</i>	<i>VIII</i>	<i>4,10</i>	<i>1</i>

5.	<i>Stručni savjetnik za poslove finansija</i>	<i>VIII</i>	<i>4,10</i>	<i>1</i>
6.	<i>Stručni saradnik za lektorisanje</i>	<i>X</i>	<i>3,70</i>	<i>1</i>
7.	<i>Stručni saradnik za poslove Skupštine, njenih radnih tijela i klubova naroda u Skupštini</i>	<i>X</i>	<i>3,70</i>	

Član 2.
(Izmjena člana 9.)

U članu 9. stav (1) Pravilnika, mijenja se i glasi:

“(1) Za vrijeme korištenja plaćenog odsustva državni službenik i namještenik ima pravo na naknadu plaće u punom iznosu za vrijeme plaćenog dopusta.”

Član 3.
(Izmjena člana 13.)

U članu 13. stav (1) Pravilnika mijenja se i glasi:

“(1) Državni službenik i namještenik ima pravo na naknadu plaće u punom iznosu za vrijeme privremene spriječenosti za rad (bolovanje) do 42 kalendarska dana.”

Član 4.
(Izmjena člana 14.)

Član 14. Pravilnika mijenja se i glasi:

“Član 14.

(Naknada za godišnji odmor)

Državni službenik i namještenik ima pravo na naknadu plaće u punom iznosu za vrijeme godišnjeg odmora.”

Član 5.
(Izmjena člana 25.)

U članu 25. stav (2) Pravilnika riječ: “Odlukom”, zamjenjuje se riječju: “Propisom”.

Član 6.
(Stupanje na snagu Pravilnika)

Ovaj Pravilnik stupa na snagu narednog dana od dana objavljivanja u “Službenim novinama Kantona Sarajevo”.

Broj: 15-02-6144/25
Sarajevo, 06.03.2025. godine



**SEKRETAR SKUPŠTINE
KANTONA SARAJEVO**

Aida Zeković

O B R A Z L O Ž E N J E

I-PRAVNI OSNOV

Pravni osnov za donošenje ovog pravilnika sadržan je u članu 66. stav (1) i (2) Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05) kojim je utvrđeno donošenje podzakonskih propisa u cilju omogućavanja izvršavanja zakona, članu 47. Zakona o namještenicima u organima državne službe u Federaciji Bosne i Hercegovine („Službene novine Federacije BiH“, br.: 49/05, 45/10 i 103/21) kojim je definisana obaveza donošenja pravilnika o plaćama i naknadama, članu 11. Zakona o državnoj službi u Kantonu Sarajevo („Službene novine Kantona Sarajevo“, br.: 31/16, 45/19 i 6/25) kojim je utvrđeno rukovođenje stručnom i drugom službom, članu 47. Zakona o plaćama i naknadama u organima vlasti Kantona Sarajevo („Službene novine Kantona Sarajevo“, broj 5/19, 40/22 i 6/25) kojim je definisano usklađivanje pravilnika, čl. 24. do 38. Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije BiH“, broj: 98/23) koji se odnose na plaće i dodatke na plaću po osnovu rada, čl. 53. do 83. Kolektivnog ugovora za državne službenike i namještenike u organima državne službe Kantona Sarajevo („Službene novine Kantona Sarajevo“, broj: 51/23) kojima su definisane plaće i naknade državnim službenicima i namještenicima.

II-RAZLOZI ZA DONOŠENJE

Razlozi za donošenje ovog pravilnika su usklađivanje sa odredbama Zakona o izmjenama i dopunama Zakona o plaćama i naknadama u organima vlasti Kantona Sarajevo („Službene novine Kantona Sarajevo“, broj: 6/25), broj: 01-02-4987/25 od 11.02.2025. godine.

III PRAVNA RJEŠENJA

U Pravilniku su izvršene izmjene i dopune i to: -u članu 4. Pravilnika, gdje su izmijenjeni platni razredi kao i koeficijent sekretara Skupštine, -u članu 9. stav (1) Pravilnika, koji se odnosi na plaćeni dopust, utvrđeno je da državni službenik i namještenik imaju pravo na naknadu u punom iznosu za vrijeme plaćenog dopusta -u članu 13. stav (1) Pravilnika koji se odnosi na naknadu za bolovanje utvrđeno je da državni službenik i namještenik imaju pravo na naknadu plaće u punom iznosu za vrijeme privremene spriječenosti za rad (bolovanje) do 42. kalendarska dana -članom 14. Pravilnika je definisana naknada za godišnji odmor, u članu 25. stav (2) Poslovnika riječ „Odlukom“ zamijenjena je riječju: „Propisom“.

IV-FINANSIJSKA SREDSTVA

Za provođenje ovog pravilnika nisu potrebna dodatna finansijska sredstva iz Budžeta Kantona Sarajevo za 2025. godinu.